

3486
3474


v.1

海東樂府

乾



Carpentier



海東樂府卷之一

澹村居士著

桓雄詞

古記云昔有桓國君庶子雄求出世君知其意授
天印三箇送之雄率徒三千降於太白山檀樹下
時有一熊一虎同居有神人授靈藥一炷蒜二十
枚曰食此不見日光百日可化人熊食之如其言
化女身每於檀樹下祝有孕雄私通生子是為檀
君都王檢城國號朝鮮享國一千五百年周武王
己卯箕子受封而交檀君避隱阿斯達山山有檀
君廟配食桓雄春秋致祭

國有桓人有雄父命子天印紅三千法侶如雲來太
白山青檀中熊化女女有神雄是雄雌之從生神子
闕荒屯王儉城出朝暉阿斯舊廟縈烟起白雲千載
遊英魂

按王儉城即檀王儉之所築也權陽村近詩曰歷
年凡有幾傳世不知千蓋示檀君子孫之綿遠也
檀君並堯而堯時中國已文明煊赫而我國則始
如盤古之世其傳說荒誕世代微茫有如此者况
僻於我國者乎

八条詠

箕子率中國五千人入朝鮮都平壤教民禮義田
作蠶織設禁八条人無門戶之閉教化大行及秦
并天下四十代孫否服於秦子準立燕人衛滿因
二世之亂以命聚黨渡沮水襲平之浮海南奔金
烏郡時漢惠帝戊申也

玄禽帝錄終白馬東海東龜籌運餘智八條開鴻濛
男教業女教貞盜為奴世其主遼山板扉夜不閉沮
田溝洫何旁午微子吾被髮大人厥施普

世以八条為五倫三綱而我國雖荒僻何待箕子
後而始知耶耶所謂八条者此必是殷俗之禁方如

群聚而夜飲妹邦之酗酒巫見之亂民婦人之淫亂
衣服之踰制捕盜而為奴閭巷之闐闐音樂之哇
汚自是伊訓中所戒者至今我國尚有此禁依然
有商俗規模者豈非聖人功化歟

殺使歎

衛滿既逐箕子據有朝鮮承漢呂氏之亂侵降旁
邑樂浪真蕃皆為其有至孫右渠漢武帝遣使招
之不奉詔殺漢使元封二年帝遣楊僕等討之兵
久不決更遣公孫遂往征之相路人殺右渠降漢
遂定其地為臨屯樂浪玄菟真蕃四郡

尉佗降田橫士盧綰民獨僭王劬勅并蛙驕不識天
家尊殺人人殺我自孽人誰寃生莫恨公孫遂不知
蕭牆有公孫

按衛滿以不正而得國又以不正而失之固矣我
地之為府為郡皆衛滿之罪也若使箕氏後裔按
而有之必多餘化之留襲而中間為賊野染矇無
可見可歎

馬韓曲

箕準既為衛滿所逐率其宮人及左右浮海居韓
地金馬郡號馬韓其民種桑麻養蚕散在山海間

無城郭居處作土室以居俗不重金銀錦繡貴纓珠以飾髮垂耳男子衣帛草屨性勇悍謹呼善用弓楯矛櫓統西南五十餘國按十萬餘戶文獻通考

条以馬韓為慕韓

遼東初喪國樂浪悲杜宇仁人不可失從者八萬戶歸何處金馬郡金馬郡非吾土非吾土亦宜桑非吾土亦宜梁纓珠首布帛身生西鄉死南鄉仁風元無武力競只恐溫王如衛王

按箕王化俗專以禮讓故衛滿至則棄而浮海秦人逃則按而分土溫祚來則割而與地終至於殄

滅無遺若使自強而為衛則豈上數百年而已我
國仁弱自古而然噫

辰韓曲

秦始皇時東界民避秦亡入韓韓割東界以與之
其言語似秦人故或曰秦韓常以馬韓人為主地
宜五穀俗饒蚕桑嫁娶有禮男女有別即今慶尚
道也

徐郎艤木客羈去不歸滅若仙洛東江水春來肥武
陵桃花落翩翩居人不改秦衣冠自言生長嘉平年
嘉平日月如夢長六鰲霜背生青烟回謝馬韓人微

爾吾何所男宜耕女宜織長日烟村布穀語高笑長
城廕白骨不走仙鄉死長城楚漢風雨我何知卧聽
扶桑曉鷄聲

按先輩多以徐市之行入于我國為言而倭國所
傳則以紀伊州熊野山為方丈亦有徐福祠其子
孫為秦氏云按倭紀福乃徐市之子無乃市徃未
鮮倭之間而福則終於紀伊而子孫留之歟

并韓曲

秦滅六國後韓人避秦入馬韓東界者為辰韓辰
韓以其後徙者別處于西界焉下韓字似謬俗似

辰韓

挾辰馬開葛莫民無官國依里身縲又腹穀自辦無
場市扶桑西畔靄雲紅都邑蒼茫疑信場熊葛城頭
出降旗嗟乎生莫逢楊山王

蓋秦於六國中先滅韓韓人大崩四散以東國為
歸尚不忘舊但行有先後故次第以變其名歟

北扶餘

高句古記云漢宣帝神爵三年壬戌四月天人降
於訖骨城乘龍車立都補王國號北扶餘自名解
慕漱生子扶婁後移都于東扶餘扶婁之弟東明

繼北扶餘而興都于卒本州是為卒本扶餘

煌煌五龍車剡剡巫山峯若有人方雲之中何處是
吾鄉詭骨城上朝陽紅

今成川邑有十二峯列前謂是降仙之地仙迹蒼
茫古人故欲奇其事而立言歟可疑

東扶餘

北扶餘相臣阿蘭弗夢天帝降謂曰將使吾子孫
立國於此汝其避之東海之濱土地膏腴宜立王
都阿蘭弗勸夫婁移都于東畧號東扶餘夫婁老
無子祭山川東嗣焉至鯤洲見大石相對流淚王

佐之使人轉其石有小兒金色蛙形王喜曰天資
我賢胤乃收養之名曰金蛙及長為太子夫嬰璫
遂嗣位傳子帶素

瑤皇夢謄之下送玉棋璘宮中桂花發結子迨芳春
我兒何在鯢淵石我家何在溟海濱崇壇南畔馬蹏
躅蛾子翩、欲幻身驚鶯色閣閣形云是西方聖帝
親抱人蒜髮黃耆笑春風揚山皓月生重輪阿蘭一
語解醒人天室新都歡樂新孔嚴空桑語恍惚齊諧
在書無乃真

人以血屬為重取其血脉之相通也石中生兒之

說類似許氏之孔巖鳥足取信哉

關英井

辰韓有六村村各有長漢地節元年六部長會於
關川議立君長登高南望楊山下蘿井有白馬跪
拜往審之則有一紫卵部之得男子浴於東泉身
生光彩以漢宣帝五鳳元年立以朴為姓名以赫
居世號以居西干六部長齊賀曰天子已降宜求
賢配乃於關英井邊得童女殊色立為后國號西
羅伐在位六十一年王與妃俱薨合葬蛇陵

楊山王馬空中嘶楊山百鳥翩翩啼東泉錦浪如桃

花五雲繙繞白團樓鵲橋天津夢新度秦樓玉簫弄
薛迷撥川溪溪洗花水素手撫瑟雲鬟低黃羅副褱
宮樣裁六村文老歡薛齊指點村井靈氣聚此間有
龍龍是鷄丹筍翠茵繞宮生卞韓三拜桓盡顰龍飛
鼎湖髯自落嗚呼訖陵之說尤無稽

世之感生之理羽化之說皆在溟濛之世而今赫
居世體落地之說亦似鼎湖遺弓之傳姑取補遺
之記而錄之者蓋取史家並錄左氏之浮夸以為
奇譚之一助歟

柳花曲

扶餘王金蛙得一女子於太白山懷渤海間之曰
我是河伯女柳花也與諸弟出遊時有一男子自
言天帝子名解慕漱誘我於熊神山下鴨綠室中
私之而往不返父母責我以無媒從人遂謫于此
金蛙異之幽閉于室為日所照引身而避日影隨
照因以有身生一卵大五升王棄之與犬猪皆不
食棄之路牛馬避之棄之野鳥覆翼之剖之不能
破乃還其母母畏歲暖處有兒破殼而出骨表非
常名曰朱蒙金蛙七子猜其能欲殺之其母告其
謀朱蒙與烏伊摩離陝父等三人俱至卒本扶餘

沸流水定都國號高句以高為氏時漢元帝建昭
二年也鹿俗善射者謂朱蒙

柳花白風吹優渤水日影照大卯圓如軌牛羊字鳥
覆翼天手復生姜嫫子烏號滿月不虛發七鴈訴天
天為怒萱花春色鮮感人桃花叱撥追風雨三人行
淹流水野無航愁難渡渭橋魚鼈送燕丹水外追騎
空飛塵神龜暗食沸沅川天命一聽麻衣人誰言柳
花隨風落柳花落盡青枝新

按筆苑雜記檀君私河伯女生扶婁禹會塗山時
八朝云補遺則解慕漱之子秋婁夫妻之子金蛙

本記則以解慕漱為柳花之夫而柳花又歸金蛙
是生東明東明立國在漢元時三說之相左如是
扶婁與夫妻扶夫既異則或者檀君之子與解慕
之子名同而人異歟解慕既稱天帝子而誘通柳
花則豈有復從金蛙之理此河間采中之陋烏足
以為人始而傳永世乎蓋朱蒙之為金蛙子則的
矣古記既以扶餘始祖解慕漱為漢宣帝神爵四
年立國則朱蒙是解慕之曾孫而自神爵四年壬
戌至建昭二年甲申其間為二十三年之間三世
相傳亦似太忙而年代事蹟最為近似後之人或

可因此而有據歟

二性曲

新羅赫居世營宮室於金城樂浪人來侵見夜戶
不開露積被野相戒曰此有道之國吾儕襲之無
異盜也遂退此時有龍見于闕英井時和歲風百
姓稱之為二聖後世仙桃山有女仙像宋人設像
祭之謂是新羅始祖妃云

二聖遊民無因二聖樂民無愁有龍飛飛八井幽東
川島數舞翩躚六部鼓吹春如年青海長槍不敢近
金城白日三軍眠君不見仙桃山上畫金女江南賽

鼓迷齊烟

俗厚民樂本非難行之事無懷葛天之世豈有歛
民之風乎民無役田無稅故勢自然甬及天後世
巧作收歛之法作錢貨以輸下民之財於是盜賊
生矣作界限以舊兼並之習於是戰伐生矣維羅
新造之初便是無懷葛天之世有何民俗之作惡
乎後人只羨風俗之美而不知美風俗之道惜哉

瓠公吟

羅赫居世時有瓠公以瓠輟繫舟渡海而來赫居世
使聘于馬韓馬韓王以不修朝貢讓之公對曰我

國有二聖人事修天時和倉廩溢兵甲繕辰韓弁
韓樂浪倭人無不來服我猶謙遜先遣聘使可謂
過禮而反怒讓之何也韓王欲殺之左右諫而止
明年馬韓王卒或告羅王曰西韓王前辱我今當
其喪可伐之王曰幸人之灾不仁也遣使往吊

瓠舟過海來流作銀河槎西鄰殺氣不敢近四境鷄
犬聲相和相如袖完壁面君王面上春風開金城裡
城頭押孝旗豈有仁人幸人灾

按馬韓襄邦也鷄林興國也以襄邦而凌興國豈
能長久乎

七稜石

高句麗始祖王朱蒙初在扶餘時娶禮氏有身而
朱蒙去及兒生名類利有大志好彈丸嘗出遊彈
雀誤中汲婦盆婦罵曰汝以無父兒如此頑戾乎
類利慚復彈以泥丸塞之歸問其母曰我父何人
今何在母曰汝父非常人今方南奔開國方行語
我曰生兒若男有留物藏在七嶺七谷石上松下
得此者吾兒也類利遍索山谷不得一日聞柱礎
間若有聲就見之礎石有七稜乃解曰七嶺七谷
者七稜也石上松者柱也乃掘之得斷劍一段推乃

至卒本以劍進王王出所藏劍合之果驗遂為嗣
吾家訖骨村即是大帝子妾食紅豈冠即飲龍頭水
水流流不返生子子已美龍歸窟鳳尋巢汲婦一言
能激起阿孃口有授阿爺行將遍歸來枕淚

蟠虬佞屈雲深處千山萬谷行將遍歸來枕淚忘寒
暑吼月銅花自生氣延津會合天其與斑衣袖裡出
轆轤老烏格格迎其雛信知無恤簡足為傳家符

礎下祥出自是天感瑠璃之誠若非柱礎有聲父
子終無相逢之時東明為計亦近巧濶

十濟曲

初東明王至卒卒其王無子只有三女見朱蒙奇之以第二女妻之未幾王薨東明嗣佐生二子長曰沸流次曰溫祚及類利為太子二人恐不容遂與烏千烏黎等十人南行百姓從之至漢山登負兒覘望可居處沸流欲處海濱十臣諫曰惟彼河南之地北帶漢水東據喬岳南望真瀆澤西阻大海天險地利兩得之矣可以為都沸流不聽分其民歸彌鄒忽居之溫祚都河南慰禮城以十臣為輔國彌十濟沸流以彌鄒土濕水鹹不得安居歸見慰禮都邑甚盛慚慚而死其臣民皆歸慰禮以百

姓和悅改號百濟立始祖廟祀東明王

卒本受堯禪美蚌生珠子宮中曉罷厭紐戲二龍難
容一津水鵲鵲翩翩南渡漢漢山以南多王氣多王
氣季所居乃伯影搖獨何止柝械荒山路初開謳歌
半月人如市莫說彌鄒多海瘡婦對鳥于浪羞死由
來樹國先樹德豈必都城為可恃

來樹國先樹德豈必都城為生聚亦有盛衰豈必彌
鄒下於慰禮而民物不阜乎公然愧死亦非知命
者

周勤歌

溫祚王二十四年王作羅川柵馬韓讓之曰昔子
來時無所容足吾割東北百里之地以居之今國
富民盛奈何反噬我乎溫祚壞其柵明年佯稱出
獵遂襲馬韓滅之移其民於慰禮馬韓舊臣周勤
據牛谷城起兵伐百濟不克勤自剄死王腰斬其
屍

金馬墟生麥秀東都主禍反構熊川老蚕日正肥漢
南春柔葉葉瘦西江獵火焚林紅宜陽喬木生淒風
虎髯拔劍指蒼穹酒酣老氣生長虹誓不與賊一天
同獨騎青駝踏夜陣奮臂擊賊反刃師直為壯曲

為老汝雖得國何無信牛谷城頭出日紅此心與日
昭長空何必計較成敗功功雖不成身是忠金家史
筆愧董狐翟義公然為有窮

按周勤乃馬韓忠臣而百濟乃馬韓之叛臣也金
富軾三國史乃書周勤以叛百濟百濟以討周勤
叛是叛其主也討是討不臣也此與翟義李敬業
可以較忠節而乃齒之衛滿甄萱之流不亦冤乎
難免史家之累矣

扶餘奴

高句瑠璃王時鮮卑來侵王曰有能畫策破賊者

必重賞之扶芬奴曰鮮卑險固勇而愚難以力闢
易以謀屈臣率精兵從間道王率羸兵佯敗敗彼
必空城逐之臣以精兵入其城此韓信破趙之策
也王從之遂大破鮮卑受其降

鮮卑山下鼓聲起城頭將軍潛附耳趙壁追塵暗兵
仙陣背水自是元戎先伐謀一坐一作機閑秘俄然
紅日晚飛火空城裡

鮮卑乃慕容之祖也高句恃其勝而無備慕容忿
其敗而有修畢境自取輕敵之患以致翰皇之交
兵終至拔美川之塚擒故國之母豈非交隣之失

其道歟

黃鳥歌

高句琉璃王三年妃松氏薨王怏怏不樂更娶二
姬禾姬鶻川女也雉姬漢人女也王造東西宮於
涼谷各置之二女爭寵王畋於箕山久不返二姬
相鬪禾姬罵曰汝漢家婢何無禮也雉姬慙而亡
歸王策馬追之不及息於樹下見黃鳥飛集感而
作歌歌曰翩翩黃鳥雌雄相依念我之獨誰與為
歸出補遺

恰恰春林梢有鳥鳴黃鸝何事春風不容得夜來飛

去打別枝涼谷瑤宮鎖二花萬機如夢春遲遲臨春
結綺相對起粉脂流紅漲御池蝶非鬪花花自鬪狼
藉春風不禁吹糞山獐騎夜不歸只恨人無祈招詩
街頭楊柳擺亂飛隔江招招恨在誰歸對鶻川月下
簾低羞眉相彼鳥兮不失侶念我之獨誰與隨既是
雌棄雄何為雄戀雌但恨不能知弔止東飛西飛苦
低垂

人君正國之治當以閔雎鵲巢為本而瑤瑤不思
貫魚之灾甘犯風之戒及其月宮之奔忘作桑
中之行戀戀不已殆如李後主揮淚戀娥不亦笑

戎

鵲鳴引

駕洛海中有船來泊金官國王將迎之船乃飛走
至於始林東阿珍浦有海尺之母名阿珍者見羣
鵲集鳴往見之挈船得一櫝開見有一男子自言
曰我是龍城國人我父王置我于櫝浮海任其所
之遂來此言訖曳杖率二人登吐含山望城中可
居之地乃瓠公宅也設計奪其居以鵲隨櫝故姓
昔氏解櫝脫卵而生故名脫解及長風神秀朗智
見過人南解次次離知為異人以公主妻之遂委

政

鷄鳴林下鵲鳴起遠浦浮浮一橫子
顓臾導雲雲為輶大海水濶三千里
埋門螭炭計太拙豈有淳人詐至此
如束換骨為聖骨浦邊老嫗能知己
宮中聖人一笑迎媯汭春風鬢禮始
漁磯一下即禪臺東土重華子真是
何處重尋九疑山東岳廟中骨相似
螭炭之計太不近似雖尺童必不信之
况瓠公乎碎骨為塑亦非君子垂後之
法豈非可疑者

槍原怨

高句瑠璃王遷都太子鮮明不徙留於卒本故都

時黃龍國遣使贈強弓太子對使者折之曰弓自
不動耳黃龍王慚瑠璃王聞之怒賜劍曰吾欲遷
都安民豈有不從父命之子乎必死之太子往礪
津原以槍押地走馬解槍而死人哀其死號其地
曰槍原

王之來不歸來王之去不為去生為王子死王子棄
父之命焉用汝但是此身生處樂不忍一朝離其所
黃龍明月影全碎橋梓春光失春序鑄鑊無眼自秦
宮扶蘇捧書涕淚滑長槍快馬走中林冤血淋淋
天津湖湖上峨峨望思臺黃鳥歌中泣士女

按古乘依微不知其時事而第遷都之前必有阻
隔之事而然宣有父王遷都而太子不從者乎折
弓小事也以此宣有賜劍之理

毀卯行

扶餘王帶素遣使讓高句王。我先王心愛東明曰
王東明誘我臣僚逃南立國負我甚矣。今王能順
事我天必祐之。不然保社稷難矣。王子無恤尚幼
對使者曰我祖東明王生而神異諸兄譏於父王
辱我祖以牧馬我祖見戮而出。今大王不念先愆
但恃兵強輕蔑我邦。諸使者歸告王。今有累卵於

此王若不毀其卯則吾將事之否則王其自慮焉
帶素聞之徧問羣臣莫有知者有一老嫗解田累
卯者危也不毀者安也其意若曰不知自危而欲
人之事已不如易位以安也帝素甚慚

淹洸川畊通人歸扶蘓老木生秋薜宗邦使者受命
來病虎咆喝聲驕獐生來自作仇吾豈忘吾兄君不
見卒本原頭連理木東枝憔悴西枝榮君家有卯箒
重重上卯下卯危以寧君今速可毀毀可君室寧不
獨君身享康寧我執玉帛朝君京君莫笑我童觀童
不羨君老僇他時毀卯者誰子此童雖幼幼能成

按無恤毀卯之言與趙無恤懷簡之對一般宜乎
高句創業與襄子相似

陷泥淖

高句大武神王敗於骨旬川得神馬駟騶攻扶餘
道遇一人身長九尺目有燈光拜於馬前曰臣是
北溟人惟由聞大王行師臣願從行取扶餘王頭
許之進軍扶餘南解鞍休卒扶餘王策馬突前陷
泥淖惟由挺劍直斬王頭扶餘兵亂遂乘勝而歸
扶餘人立王弟昌思為王

赤烏扶餘來瑞鼎沸流出蜚狐儼前予駉騶嘶明月

矛川黑蛙示先兆東隣戰馬陷春泥北溟壯士按劍
起句帝魂斷迦原西遼天漠漠雲霧迷歸來作杜舉
士卒歡聲齊也知蒼茫自有佑君不見鶴盤嶺下雲
錦嘶

按扶餘之恠曲與百濟之黃昌卽同一手段當時
國君之見朝若是其易無異韓相府之直八其草
昧可知

流星墜

新羅南解次次雄王十一年倭舩百餘艘掠海邊
王發六部勁兵禦之樂浪知內虛來攻金城夜月

流星墜於賊營賊懼而退屯關川上造石堆三十
而去六部兵一千人追之自吐舍山東至關川見
石堆知賊衆乃止

關川風雨夜津津西林老鼠將噬人東南黑氛迷射
天壁墨空虛車有塵流星天畔隱雷鼓影落賊陣如
車輪箕城老革解畏天刀斗不擊雙眉頻林鳥啞啞
幕土啼石堆黯黯陰雲屯君莫犯五不避交隣如何
不親親人畏天我畏人人莫笑石堆城下兵遙巡
倭之來侵者必是對馬一歧島也樂浪未及數百
年一統于新羅而馬島則至今為倭之附庸尚貽

我國之大弊恨無一箇尹文肅奮力拓土噫

尼師今

新羅僊理尼師今字乃南解王太子母雲帝夫人
夢五雲繞身而生南解將薨太子儒理讓惜脫解
脫解曰神器大寶非庸人所堪吾聞聖智人多齒
試以餅啞之齒理多者可立儒理果以齒多即位
今國中尚稱王號

人言德為寶我以齒作寶諉德德難驗驗齒齒易考
天家聖骨曉昇雲咸池瑞日春暉早一團花糕驗壓
細秋泥鴈爪看多少箇箇鵠犀掩不得宮娥跪進山

龍襖山龍披掛五雲身春晚瓊欄花影老
大輔再拜阿妹賀謂意天意丁寧好我知
天位不在齒天位宣以齒可保

按五帝官天下三王家天下官者傳于賢也
家者傳于者也舜禹不常有故後王之必
傳子也家者羅之三姓相傳非官非家至
乃驗之於齒齒宣可論德乎未免上古之
溥庀不亦笑乎

鴻鴈歌

百濟王宮有鴻鴈來集日者曰鴻鴈民象也
遠人將來朝乎已而南沃沮二十餘家至
斧壤納疑

鴈肅肅自何來雁雖雖來處來宮中朝日影如雲恰
是蒲湘沙荒苔太清真人叩靈龜西北荒山路初開
羣魚撥刺遊龍窟衆鳥雜沓歸林麓翁携子子負母
今夕何夕君之臺君家易知復難忘五雲門外桃李
栽歸來芳翱翔與君家醉太平盍

北沮古肅慎之國而今北青以北也南沮乃北青
南鉄嶺内外也斧壤乃今平康地也然則百濟之
地自鉄嶺以南南至益山者也合于孤雲所論而
亦不悖陽村之說矣

乙丑智

高句大武神王十一年漢遼東太守來伐右輔松
屋句曰憑險出奇破之必矣左輔乙豆智曰漢兵
遠來其鋒不可當也閉城固守清野以待師老而
擊之可也王入尉那巖城久守力困豆智曰漢軍
謂我巖石中無水故欲困我宜取池魚匏水草兼
以酒致犒可也王從之漢軍謂城內有水不可猝
拔遂引還

尉那城門白日閉城外漢兵來踟躕水草匏魚饋三
軍謂言遠道胡為乎城中有水深如江城中有粟積
如蘆肯學賣土降馮亭義不城下牽羊趨嗚呼乙豆

智真智士有賊不抗真非夫

按將師制敵必以出奇為勝而耿恭之疏勒飛泉
吳玠之饒風遺柑皆是驚賊之謀若是卷國大兵
累月圍住則豈可以一水草而退之哉

堯率引

新羅儒理五年王巡行國中見一老嫗飢凍歎曰
此予之罪也解衣以衣推食以食仍命有司遍問
鰥寡孤獨老病者厚給之隣國聞而來者甚衆又
年豐民安作堯率歌以唱之

於乎我王出我民其無饑於乎我王遊我民無寒威

無飢又無寒自然中心肥芙蓉明月鶴城春鷄犬千
家花滿扉慈悲世界自兜率法雲流動仁天機溟波
不動白山晏穆：深殿山龍衣宮中美人奏雲門處
處白屋含春輝只是民有擊壤歌恨無康衢帝服微
子產濟人於溱洧孟子譏王政之不行國君自無
斂民之政而農不失時則自然安樂何以人人厚
給乎

會籀曲

儒理九年王定京都為六部中分為二使王女二
人各率部內女子自七月既望集大庭續麻夜分

乃罷至八月望考功多少負者置酒食以謝勝者
相與歌舞百戲謂之嘉俳負家一女起舞歎曰會
籥會籥其音哀雅後人因以歌之

會蘇復會籥促織夜夜鳴嚶嚶誰家女子不動手每
日結着紅羅樓丘中有麻池中漚天家令甲嚴霜飄
六部女伴晚盆手續燈如月紅欄橋梅粧月態執畫
輦二更課績三更遲八月高筵天氣清勝酒上面皆
紅潮君唱醉時歌我和陽春謠今辰何辰夕何夕桂
花落盡寒宮宵由來婦功勤乃得下女莫辭勞心焦
請君長誦葛覃詩留勉宮中婦德昭

按禮王后織玄統肉子織大帶宮中女功王政之
始也唐時宮中自冬至使昭容掌女工課納刺繡
線隨日漸長歲終考其勤慢蓋羅俗專尚勤儉故
至今嶺南女功甚盛其會蘓之餘風歟

好童怨

高句大武神王次妃曷思王女也生子容儀美好
故名好童嘗八樂浪王崔理見而奇之妻以樂浪
女樂浪有鼓角敵兵至則自鳴好童將還謂其妻
曰若能入武庫割鼓面角口則我將迎汝崔女如
其言好童歸勸王襲樂浪兵至城下始知其故遂

殺女出降王元妃恐好童棄嫡譖好童無禮於妾
王疑之或勸自釋乃曰我若自明乃顯母之過貽
父之憂也不如自斃遂伏劍

樂浪城中鼓不鳴樂浪城外烟塵生婦人見夫不見
父賣國何能獨享榮東都歸來鵲印橫準落之戰戎
禍萌妖姬日抱公子啼牝鷄一聲王心迷王心迷可
奈何裙蜂之說尤無稽君王有眼不辭看乘舟一曲
多悲酸非姬食不飽非姬寢不安儂身一死不足惜
但恐此心無人識草綠新城帝子泣東風夜火無寒
食九原羞對樂浪女甬功我伐俱受戮

按左傳廢舍之女附于蘆蒲而亡廢宗史記趙衰
子欺其妹而滅代因有摩笄山義士非之今樂浪
女之負國甚於廢女好童之貪酷無異摩笄則二
人之禍固是滄浪又何怨乎

迎徘徊

新羅儒理十年金官國有九于各挽人民散在山
野見龜背峰有金卵六團化為童子始見者為首
露身長九尺龍顏美髯九于等相議立之七年九
于等獻言曰大王尚未有后位請逆賢族王曰朕
天命也配朕者亦惟天命命天于乘舟望之忽

見海上西南有舡掛緋旌張茜旗而來徃見之則
舡中一美人笑語曰妾是阿踰陀國公主姓許名
黃玉也父王語母后曰夢上帝命駕洛國元君未
有匹偶宜遣爾女配之遂使妾浮海而來王曰朕
先知之已備禮矣遂以所著綾袴為幣帷宮同寢
過二宵同輦而還送舡還其國立為后至漢末后
崩年百五十七葬於龜旨北塢國人號解纜處曰
主浦村解袴崗曰後覩海荒曰旗出涯王恩夫人
每歌鰥枕以悲之後以漢獻帝建安四年薨壽百
五十八歲墓在西郭門外遂立廟於首陵之側子

居登繼立歷八世至梁武帝中大通四年而亡於
新羅享國四百九十一年也羅季有金官城主忠
至者使其吏英規奪其廟田樛折壓死其後羣盜
意其陵中有貨將掘之有巨蟒長三四十尺自陵
而出咬殺九人盜散走

娘家住何處住在阿陀東瑤臺明月照伽倻南國天
桃鮑春紅龜峯垂下月老絲玉輅影接紅雲旗娘之
來芳掛緋帆到汀洲芳風泊之卽食鳳凰嘴妾食鶯
鶯脂紅琴靜和睢鳩響別浦桂花春垂垂青綾袴赤
絨帳三生枕上語呢呢夢入瑤京聞天語十六羅漢

開宮闕腰下宜男佩枕上壽星出首陵東畔廟突元
金甲將軍守神穴

按芝峯說壬辰倭賊斃首露墓壙中甚濶頭角大
如銅盆柩傍有二女年可二十面貌如花出置壙
外則旋即消滅蓋殉葬者也夫首露之靈能使英
規而壓死金甲而驚賊大蟒而殺人則獨於滌齒
之掘無靈以討豈其靈有盛衰之不同歟

募本原

高句閔中王薨王侄解憂立暴戾不仁坐必藉人
卧必枕人人或動輒殺之諫者射之民怨天怒天

異不絕杜魯試之葬於墓本原因為王號國人立
瑠璃王孫宮是為太祖王

墓本原非石窟胡為中野不封樹君王棄德如棄履
獵車麟麟沮水兩民謠喪日天出棼壁間幼出千杜
魯原頭松栢翠遮天死魄羞對生民觀柳江冤血至
今碧却恨新王不誅羽

按大武神殺其有功之子不知解憂之惡叅於累
卵之對可謂其智之昏矇太祖王不討杜魯之罪
視以援立之功詩人賦楊水者當律此輩

鷄林曲

新羅脫解尼師今九年三月王夜聞金城西始林
有鷄聲遣瓠公視之有金色小櫝掛樹白鷄鳴其
不瓠公還告王王開櫝見小兒姿容奇偉抱而入
闕鳥雀躍從因養之宮中名闕智數年丹立為太
子後讓於婆娑不立至七世孫味鄒始為王改始
林名鷄林因為國號

金城西林腦膊起金城王氣葱蘢始樹梢黃櫝作蚌
胎胎中明月宮中開瓠舟老翁慧眼明解道如來親
抱來楊山白馬再躊躇百鳥率舞蹌如兒乎學得蹌
孤竹子闕川藥草青青初

按有桓之熊化扶餘之金蛙開川之紫卯優渤之
大卯始林之鵲櫝龜旨之紫繩金城之鷄櫝續續
載史一猶異事而況多乎必是東人以訛傳訛騷
騷成說因循襲謬馴至若是之多如使核古君子
據實考迹宜有所分別

索奴歎

新羅婆娑尼師今二十三年音汴伐國與悉直國
爭疆詣王訟之王召金官國首露王決之直音汴
伐於是王命六部長會饗首露漢祗部以位賤者
主宴首露怒命奴耽里殺部主保齊而歸新羅索

奴將殺之奴逃音汴伐新羅追索之音汴伐主院

鄒不送羅主怒之以兵伐之遂降音汴伐其後悉

直押督二國亦降

悉直今三陟音汴伐今興海押督今慶山

滕薛各爭長山木誰度取金官白髮坐執衡虞芮無

言各歸府裴家酒席生風波家丁何罪徒移怒一奴

得失我何関坐招兵甲甘為虜悉直官人亦何辜生

莫逢金首露

新羅兼并之習始於婆娑今驪江東莞婆娑城有

古墟云是婆娑所築意者婆娑志於欲拒百濟據

水為籐歟驪為羅界則自駘以東至于月城推可

知己

大庖樂

新羅祇摩尼師今婆娑王太子婆娑獵於榆食之
澤太子從焉過韓歧部部主許婁饗食之摩帝同叅
酒酣許婁妻出女子舞之摩帝妻亦出其女舞之
太子見而悅之許婁不悅王遂命許婁女摩帝亦
許其女王謂許婁曰此地名大庖若置盛宴可以
同樂許婁如其言王乃以酒多官之遂以摩帝之
女配太子後為祇摩王后

漠漠榆食澤駢駢獵騎過秩韓歧韓部淋淋酒如河

坐客紅氍毹客蒸蒸蒼鵠顏色正敷愉謂言心
誰家桂樹枝相樛鳳凰啾啾鳴在柯東園驕蝶妬芳
春西北樓高和氣多彈箏扶瑟上高堂欲言欲笑朱
顏醜一酒多何足多兩美人皆可和陽阿妖舞竟八
宮大庖樂辭正哦

婆娑不知獵色之非而甘心於同樂許晏不知禮
饗之道而專心於納寵可謂賢賢君臣

福章歎

高句太祖王宮在位九十年戲樂怠荒每遊獵於
箕丘弟伯苦諫不聽王嘗夢一豹噬虎尾占者曰

虎者百獸之長豹者同類而小者也意者王族中
殆有謀絕王嗣者乎王不悅右輔高福章曰王弟
遂成必反請誅之王不從乃禪位于遂成自為上
王遂成時年七十六殺福章及上王子莫勤莫德
福章臨刑歎曰我為近臣寧可見危而不言乎恨
前王不用吾言以至此耳遠近悲之是時左輔穆
度婁見太祖不聽福章言即退歸鄉里

君王夢嚙虎宮中驕羽父倭山翠被起叛氣質陽暉
車坐烟霧小臣有舌舌本強義是泰山身鴻羽靈脩
有耳不解聽柔土踈踈天未雨鳳藏鸚逝不足悲覆

巢破卵尤堪怖別宮春草鎖重門青山望子愁朝暮
忠魂夜夜應悲酸臣血化碧臣心丹也知詰人能保
身却慙蓬廬穆度安

晉魯隱公不聽羽父之言欲遜位桓公終受其禍
宋宣公舍與夷而傳穆公終受其報太祖王愛弟
之心頻似隱公而遂成之逞惡如此甚矣太祖王
不知命以義之道也

貴妃庫

新羅阿達羅尼師今時東海上有迎鳥細鳥夫婦
結草而居一日迎鳥歸海採藻負一大叢歸日本

人見而異之立為王細島佐夫不來往尋之見夫
脫鞋亦上其巖負歸日本人見而請之立為貴妃
是時新羅日月無光日者云日月之精今去日本
王遣使請二人還迎島曰我到日本天所使也何
可歸也然若以貴妃所織細綃祭天則日光自生
因以其綃付使送之新羅如其言祭之日光果生
遂藏其綃於御庫名曰貴妃庫名其縣為迎日縣
睡隱聞見錄云愛宕山祭日羅神俗云日羅即迎
島神

極浦遙遙採藻至阿姁望雲尋劉季鷄林日月礙玉

輪修羅瞰盡金光閔使兮莫招招天命不可棄紅機
七襄自成章穆穆園丘儼輯瑞六鳥西飛拂舊羽大
明天下文明地人歸綃亦隨寶氣透箴笥愛宕山中
起叢祠死魂應逐東歸使

日月之光遍照天下獨於我國而無光者似是無
理然日本之祭日羅則亦有苗脉

遯山怨

高句上王薨明臨荅夫弑其君遂成立王弟伯固
伯固初避遂成之亂遯于山谷至是羣臣迎之伯
固三讓而後立追號遂成次大王初荅夫之亂遂

成太子鄒安逃竄山谷至是詣闕待罪王封為讓
國君以荅夫為相

鷗鷖毀我堂蜂蠆入我床山中鴻鴈向南飛一翩翩
翻天外翔兄弟三人不相容一亡一隱一君王秋來
豆箕自相煎秫畝荒田耕欲荒青青園中葵日落誰
向陽一遯山再遯山叔兮侄兮俱飛涼閭闔門前黃
犢車丁東玉珂悲彷徨父讎兄讐忍同國荅夫腰間
金印黃

荅夫在伯固則兄讎也在鄒安則父讎也禮云枕
苦枕干不反兵而鬪西人不知此義以荅夫為恩

相而同享安樂真忍人也

清野行

高句新大王時漢玄菟太守耿臨以大兵欲侵之
王曰戰守孰便相國明臨答夫曰兵多者宜戰兵
少者宜守今漢人千里轉糧勢難相持我若深溝
高壘清野以待之不過旬月其勢必歸我以精兵
薄之可以得志王然之嬰城固守漢人攻之不克
士卒肌困引還答夫率千騎追戰大敗之匹馬不
還

樂浪城中鼓鼙鼙樂浪城外塵濛濛菟城征旂立躊

踏鉄齒劔戟摩蒼穹君莫笑閉門坐閉門不久開門
多四野無儲谷無芻千里來兵奈吾何城如鉄劔莫
破幕上飛鳥啞啞過黃昏莫過薩水完啾啾戰鬼吟
銅鑼

按高句界於遼羅左右受敵用兵自強故隋家全
師盡為乙支之所滅唐帝大軍未免安市之敗敗
豈可以區區一玄菟而抗衡哉王莽之受降慕容
之虜滅持其乘弊而然爾蓋知其養兵之道故卒
不受弊今則以三倍高句之地無異弩末之弱終
始受制於人非他不知養兵之道耳

正谷城

新羅伐休尼師今七年百濟襲西境圍上進圍正
谷城軍主金仇道率勁騎五百擊之百濟兵佯走
仇道追及蛙山為百濟所敗王以仇道失策貶為
正谷城主

正谷城何處處中有干戈與萬騎城可禦敵不可軍
蛙山之事孰主是不恨吾王繩敗律但恨未赴西軍
死四境風雲日炫爛我獨胡為圍城裡却慚西林明
谷夫能令漢卒填江水

金仇道之復拜正谷城主真是秦穆不替孟明之

義伐休之為賢君於可知也

伐谷鳥

新羅伐休時後園有鳥鳴伐谷人曰修德可以弭
災王遂大悟修政國中大治

伐谷復伐谷伐國可伐國雖伐國也未惡國可伐先
故穀鳥能覺人心亦能與人國當時角于無一言日
日絲竹東園曲人而不知鳥天所令人覺鳥聲無古
今人心有善惡

按齊宣見牛而生惻隱宋仁漱蟻而出仁心人心
之發適其機而隨現牛是一牛而豈有二齊宣也

蟻是一蟻而豈有再宋仁乎然則豈獨伐谷感至也尋常百鳥之聲皆可悟心苟有善心何患無聲斯可見感應之理捷於桴鼓

乙巳素

高句故國川王時外戚在可慮等謀叛伏誅朝臣鮮可任政王下令國中曰近日官以寵授位非德進是寡人不明之過也四部各舉賢良於是共舉東都守晏留留薦乙巳素王拜為相賞晏留為大使者外戚多可慮內臣無忠臣得臣貴家側席思忠純無傳巖無盡渭無獵翼室惛惛不寐晨東都留守眼有

珠四部部長誦經綸鴨綵村中叱牛客來作君王席
上珍無知賞金真有知自是君王藻鑑神

按殷之說直拜為相周之呂直拜為師不藉薦引
之力不資履歷之勤而至今稱君臣際遇自漢以
後始有資歷之用而人才棄矣蓋用資歷則其流
之弊轉為人擇官此可見上古後世用人得失為
耳

加羅泣

新羅奈解尼師今十四年浦上八國謀侵加羅加
羅王子來泣請救遂命于老將六部往救之擊殺

八國將軍奪所虜六千人還之加羅人皆頌德以歌之加羅按文獻通考伽耶國之通補

加羅泣加羅泣八國齊聚加羅月孤城一髮無蟻援疾風吹捲牙旗裂太子前導將軍行六部夜唱行軍曲汀洲蘆荻有伏甲浦中一船歸不得加羅城上豎青旗君王對子斟賀勺加羅喜笑啞啞一曲春風滿一國

楚滅十七國而楚始大晉滅十二國而晉始大秦滅西戎而秦始大此得其地利人和而然也新羅之始林不但地勢之險阻又是人心之淳實故其

生聚已成足以制八國之羣寇於此可見畢竟
統一之兆耳

師曩琴

新羅奈解時王命于老敕如羅破八國兵勿稽子
功為第一以忤於大將不見錄後骨浦等三國又
攻新羅竭火城新羅禦之勿稽子斬獲又最多不
錄功乃語其妻曰聞臣子見危致命臨亂忘身忠
也前日之役吾不能忘身致命以致人之蹊間為
不忠也何面目出於市朝乎被髮入師曩山彈琴
作歌遂不返而終

有忠不見信有功不見錄忠未感人心功未塗人目
骨浦浦上俱獲萬大將論功何厚薄戎垣大樹無言
翠介山烟花少顏色閨中少婦莫怨嗟不怨不尤修
吾德師處山中住日長桂樹叢生閑花落折花酌酒
撫我琴拜拜流出偕隱曲自是高人不貪天鐵卷何
以琴心適

新羅之人責己甚重事君不信則反其忠少無怨
尤之心故人人敵懷忠君死長甬昔晉蔡劭不怨
其國而甘就其死勿稽之隱無愧晉臣

刪解裙帶

高句故國川王薨王妃于氏夜往發歧家請之曰
王薨無嗣子其最長宜嗣為王發歧責后曰婦人
夜行禮乎况國王有喪王后不宜輕出于后大慚
又往王弟延優第延優握手延入后告以故與延
優結約立王許為王后遂作血誓酌酒設筵延優
手斫猪肉以為者誤傷指出血于鮮其裙腰帶以
裏之攜手同入宮發喪立延優為王王立于后
南山老狐鳴綏綏淚水孤鶯喚新侶宮中有衣不準
復發歧一言堪羞汝一笑刺猪肉再笑解裙褚昵昵
授國璽尸喪出門去有魂羞見故國川恨不栽松山

上處

按詩墻茨鴉奔譏貶衛宣姜與子頑也南山敝筍
刺論魯文姜與諸兒也天理人事滅絕無餘而聖
人著之於經取為後世之訓其意深矣夫死優與
于氏罪固窮極言之醜也而為國壞者早能以禮
制家焉有不化其妻與弟乎事涉中冓之言不必
泚筆而高句之世事多荒濛淑慝混淆故要附聖
人懲惡之義以示世變無不有耳

郊畿詞

高句山上王時郊丞逸掌者追之至酒桶村有一

女年二十美而艷執承猷之王聞而異之微行幸
之于民間而妬陰使兵追之女着男服而逃遇兵
曰今吾有身汝殺王子可乎追兵不敢害王復幸
女家問女曰聞而妬陰使兵追之女着男服不與
兄弟同坐况敢近他人乎已而生男名郊畿立為
太子改名憂位居

酒桶村中人如玉生來手拳、不開天送郊牲教利
執門無竹葉羊車來昨夢蘭花開滿懷明月玲瓏入
蚌胎誰家河東獅子吼蒼黃追騎無言回盤田玉子
無人識猛虎信、不得噬鬚、壯髮無綠篋天意不

容陰車勢兒王不記宿怨深山上陵前許同瘞

按唐宣宗以鄭姪之子蘊惡郭后之專寵郭后之死不許同葬於憲宗之陵其視東川當有差等

刪七重松

高句東川王八年太后于氏死遺言曰妾失行何面目見國壤故國也於地下請葬我於山上陵王從其言合葬後國壤降於巫曰予見于氏之歸川上不勝其憤大戰而歸退而思之羞見國人必以物遮我墓於是種七重松於陵前出補遺

七重松松青青能掩面不掩羞如何不誅負情婦

九原忍思之劍求松長山上葉葉戰和風奏出鴉奔
謳

按此說出於補遺失故國川之魂能羞國人之對
使物遮其陵苟其羞也何不用鬼斧於解裙之初
使何閭之娃七竅流血而乃於山上同葬之後始
羞之也事之荒誕良不足信也

沸流戰

高句東川時西魏文帝遣幽州刺史毋丘儉將萬
兵出玄菟侵之東川王將步騎二萬逆戰於沸流
水儉為方陣掩擊之麗軍大潰死者二萬人遂進

陷丸都王奔南沮詔在密友傳

北丸都今寧遼府
鉞山嶺下

幽州城裡鼓聲起東川甲馬蕭蕭至
哀哀萬鬼青楓哭魚龍飽盡西流水
鉞山嶺下少人行鄭駟倉皇肅慎里
夫不得耕婦不織百里一村烟不起
曹沫圓淨亦何益空遣密友勞心刺

耿臨毋丘儉同一強敵而臨則敗績
儉則全勝在我禦賊之得失耳彼新
大王知其以逸待勞之策乘其困而
擊之東川王只有輕敵之心不知困
賊之術幾乎覆國至於密友之送不
過燕丹送荊軻之策此豈正道乎其
成事恢邦亦僥倖也已

細由行

魏將毋立儉攻陷高句丸都城王出奔小臣細由
進曰勢甚危迫不可徒死請從臣計乃入魏軍詐
降曰勢甚危迫不可徒死請從臣計乃入魏軍詐
遣小臣致不腆之物魏將聞之將受其降細由藏
刀食中刺魏將膏與之俱死魏軍遂亂王乃休軍
奪擊遂之王復國論細由功第一

沸流水血如沸幽州兒猛如獬丸都城下無王氣一
介臣何男子自稱專諸後身是黃蓋降幡出石頭對
面笑語藏青七幣重言甘亦奇計魏管夜哭將軍死

後來復有黃昌卽並列青丘刺客紀

按公孫述之刺客彭李師道之刺客武元衡皆以逆
犯順未免為刺客之所為而至於紂由則異乎此
義理之所當然也毋丘以僭亂之餘浪震無罪之
高自為高自臣者抑亦坐觀其敗亡而不之救手
然則非刺客乃忠臣也後之議者不以事害義可
也

卧柳起

新羅沾解尼師今始聽政南堂委用大角干失道
國中清寧又龍見宮池金城南卧柳又起人謂有

兵兆遂等達伐城以禦百濟

卧柳卧何日卧卧柳起起處起云是東方白雲生太
白流月南風死金池老龍閃鱗甲動盪風雷大人以
明朝鼓鼓等登之伐達山南起百雉

按漢時之柳僵而起宣帝復興羅伐之柳卧而起
洛兵必来豈必前後之柳有異不過人心之所感
耳赤雀火鳥同一雀也而射之以赤雀周之興
以火鳥蓋在人不在物耳

柴原悲

高句東川王性寬仁王后欲試王心候王出游截

路馬鬣王曰馬無鬣可憐又令侍者進食陽覆羹
於衣亦不怒及薨國人懷德莫不哀泣近臣多有
自殺以殉者國人伐柴以覆其屍名其地曰柴原
君王馬無鬣君王衣覆羹覆羹尚自可無鬣還無驚
五陵草碧雲輶遽千官兩下攀弓淚君不見鶴陵東
畔柴如雲死魂甘作先王侍誰家謾作黃鳥歌回首
東方得不愧

按東川當魏寇搶攘之際能收合餘燼撥亂重恢
其功實不下楚昭王昔楚昭王失弓而不覺墜履
而不棄甘聽子西之言而不殺藍尹之涉帑並賞

闕懷之功而不罪雲中之殺已勿縈赤鳥之災而
仁俾股肱禁祭黃河之祟而甘受其病故盜戈及
王而由于背受吳師請王而隨人拒命終至於危
胥一哭蒲虎之甲馬齊出雍涇三戰衡漳之山川
復定其深仁厚澤至唐時而不沫故昌黎題楚廟
詩曰猶有國人懷舊德一間茅屋祭昭王想像千
載餘風足以感人東川涕流之戰舉國崩涕稅駕
無所而密友以死為心細由挺身當死以致賊兵
潮退則平日養人之功可知也我國則尚不聞節
屋追難足可見東土人心不如南民之厚也

草囊歌

高句中川王有寵姬貫邯顏色殊麗髮長九尺王
將立爲小后王后掾氏讚言於王曰昔我先王不
致禮於中國以致兵敗出奔幾喪宗社妾聞西魏
求長髮美人購以千金今王若憑一介行李以進
美人則彼必喜納不復侵矣王默然貫邯嚶反讚
后王亦不聽後王出獵貫邯將草囊哭迎曰后欲
以此盛妾投海願王放妾歸王知其詐怒曰汝要
八海乎乃盛草囊投之四海
莫倚花顏粧莫恃雲鬟揚烏雲長九尺何似草囊長

人謾我我謾人妾不匹嫡嫡難當不恨革囊藏我身
但恨生為王妾不知王從古害人還自害西門送不
誰悲傷

按史記西門豹治鄴水泛女巫巫于水以殺之又六
國時魏送美人以事楚懷王酷愛之鄭袖見而妬
之謂魏美人曰王愛汝而但惡汝之鼻孔以手必
掩美人如其言王問鄭袖曰魏美見我掩鼻何也
袖曰似惡聞王之臭也王怒劓美人鼻此事恰似
緣氏

烽山行

新羅味鄒尼師今五年百濟來攻烽山城城主直
宣率壯士二百人間道出擊大敗之以軍樂迎勞
之拜真宣一吾食

金城城南卧柳起嵯峨玉龍秋雲裡烽山山北陣如
蟻二百壯士鳴弓矢崑崙閑下夜飲酒真骨宮中聽
凱喜百年烽山無烽影黃金鵲印不足美

按羅濟連境無日不戰而羅之勝十居八九非徒
風俗使然全由褒卽義而不吝賞故其軍樂死而
然今嶺南之俗大異湖南抑遺風餘韻亦有所自
于老歎

新羅助賁尼師今以昔于老為舒弗邯滅甘文國
沾解時又滅沙梁部後倭使來于老待之戲言曰
早晚以汝王為塩奴王妃為嬖婢倭王聞之怒遣
將于道朱伐之羅王避兵袖村于老曰以臣言而
致寇臣請自當遂往見倭將曰前言戲耳何必怒
乎倭執而燒殺之後倭使復來于老妻命元夫人
請私饗倭使滿斟而楚之倭人怒攻金城不克而
去

去年戰甘文村今生戰沙梁部生為王婿死王事嬖
婢塩奴太嘲侮東隣嘖言自召禍王輅晨沾袖村雨

一身甘當一國難談笑雍容踏劍樹平沙落日燒鉅
起壯氣蟠虹亘江戶東家醉使八回祿忠臣有妻哀
哀苦鬼為大王不此心長樂何顏對阿母

按于老對使之言大是忘發而及夫東兵之來捐
身自當甘就湯火之場此則紀信之不愧而命元
夫人以一婦人不忘崩城之冤而燒殺倭使亦不
愧苦婦之度轡但國君不之禁以召忿兵之再來
盖此時鷄林未免上古之溥庵婦人孺子任行其
情國無法禁而然可歎

竹現陵

新羅儒禮尼斯今母朴氏嘗夜行星光八口因有
身而生生時異香滿室即位十四年伊西古國東
攻金城王大舉兵禦之不能退忽有異兵從天而
下不可勝紀人皆珥竹葉助擊賊大破之即不知
所歸人見竹葉數萬積於竹長陵國人謂先王以

陰兵助戰云

先王助
賁王也

金城城西鼓鼙吼東海殘兵曉星走咫尺仙陵雲輶
迷神之洋洋下大藪簞花綠珥如秋星寶龍戛雲橫
江石捲國新羈若風散頃刻陰雲掃大阜珠止左右
綠葉亂恍惚鳴鉦戰勝後世人只見雲霧中豈有神

兵能用手請君更祭將帝廟風鶴宣威報德厚

按神兵之助古或有之伍負南城之風兩越甲狼
狽魏顆韓原之亢秦杜回跌馬雖似浮夸之說而
理亦有然者蓋精神所到陽氣大發亘宇宙而彌
長也羅月而同明詩所謂文王陟降在帝左右者
是已羅之助資十八年御國庇民固圉亦勞其心
及夫乘雲之後精神浩蕩有能出威現靈掃盪疆
場之冠若論其功足可享大報之祀而寂然無聞
嗟夫

思達買

高句西川王惠肅慎侵過問羣臣才堪將師者皆
以王弟達買對遂遣達買拔檀盧六百餘家於遷
扶餘封為安國君王薨太子相夫立以達買為左
輔國人倚重為之歌曰達買不在吾何依戴王忌
其名構以謀反殺之國人皆涕泣思之

藥盧即
西川王

允允彼郊哭哭向青楓樹楓芳化公靈葉葉吟風訴
伊昔肅慎之戟子為政奮臂一呼風霆怒劃然一劍
上鉄嶺櫜矢寂莫收腥雨一國歌謠作禍胎杜郵之
賜逢新主遺恨安國不解印碧血空埋鍾室土官家
殺人不殺名我歌我曲悲千古

按高句東接肅慎西界幽燕所以自衛者以其兵
強將猛坐以折衝耳達買以王之親弟竭忠敵愾
為國長城則國人之望有所歸矣彼新王之猜勢
所必然夫以周公之忠成王之明未免遜東之歎
則况烽上之昏虐自非成王之禁詰達買之見信
未及元聖之孚誠而其不利之謔言十倍於管蔡
乎倘使達買解印遜野踵美東山之遜荒則庶乎
君臣之相保而計不出此惜哉

鳶綿詞

新羅基臨尼師今氏昔時沙伐州人印觀賣綿於市

槐谷人署調以穀換綿忽有鳶攫綿而歸印觀印
觀取送署調曰此汝綿也署調曰鳶攫是天也吾
何受為觀曰然則還汝穀調曰已相買賣豈可還
價觀曰子不受穀吾何綿之有遂相讓置市而歸
掌市官以聞王并官之

有金揮鋤去有甌破不顧生來義重物為輕匹夫亦
知熊魚取吾家穀爾家綿穀歸爾綿歸鳶鳶亦不有
應是天却恨市中名姓露枉徹君王王曰賢人心不
是今古異如何清濁同天淵

按此時三國無錢弊故閭里之買賣皆以綿與穀

焉夫綿穀乃衣食之原也民以衣食為重則彼金玉
鉛錫何貴之有是時國俗只尚勤儉化行謙讓
故致有觀諄之相讓夫如是故內以足君民之用
外以禦隣國之侮恢恢有餘及夫統一之後中國
之踞始通奢侈之風漸長棄其綿而錦繡焉是取
賤其穀而金玉為飾舉國靡然人心日非以至
錢貨之出而人慾波蕩忍能對面而為盜賊較者
此輩之清高不啻壤虫之於黃鵠嗟夫

販鹽曲

高句烽上王九年大旱自春至秋不雨民饑相食

王不恤黷國中男女大修宮室相國助利諫止之
王怒曰君者民所瞻仰不壯宮室無以示重國相
無乃彰吾過而干百姓之譽乎助利曰臣有懷不
陳非忠也豈敢干譽以彰君乎王不悅初王疑其
笄咄固有異心殺之咄固子乙弗遯於野王救殺
之不得乃隱傭水室村主人苦役之乙弗不堪乃
去販鹽鴨綠村家衣服襁褓人不知為王孫至是
助利使簫友物色之就拜乙弗乙弗曰吾野人非
王孫也友曰一國之望王孫甚勤願勿疑也乃迎
歸廢王幽於別室自刎死塋之烽山因號烽山王

遂立乙弗爲王是爲美川

鴨綠江村杜宇語牛車踏石凌嶒去車中雪花熬波
白牧羊王孫誰識楚卽罷冤血碧未洗小兒多啼屠
兵來宮中自有伊霍相幹殫小車春風面對西蕭友
作賀辭天陰下雨知爲誰蘆葉軍前一軍拜侯山殫
騎念念歸烽山之魂得有無死對吐因應羞啼

木閣棧道迎立太史之家傭烟趕芳草覓來牧羊
之王孫其乙弗之謂乎然助利之待舊主亦落下
霍光一等

毀都歎

高句故國原王十二年敕遣兵侵遼東燕慕容廆
遣慕容翰伐之駘王求盟翰乃還俄而移居九都
燕慕容皝自將精兵四萬攻陷九都薨王弟騎走
斷熊谷燕拔美川王掾載其屍虜王母王妃男女
三萬餘口燒宮室毀郡城而還王遣弟補臣八貢
乃還其父屍猶留母妻爲質王移居東黃城

遼東城城近遠將士一去不復返九都城城高低男
女盡入燕雲遠君王匹驪八熊谷王弊奔走醫閭坂
交隣自古不構讐薛者已作禍必反

慕容之於高句血冤骨讐真古今之無而高句

及臣事之終不能一戰有報誠使一國君臣沫血
飲泣卧薪嘗膽則豈無可報之日哉可難

碧骨池

新羅訖鮮尼師今生而狀貌俊異心膽雄敏于老
謂其妻曰興吾家者此兒也及基臨薨羣臣迎立
之湖南郡患無水遂開池等虎名碧骨長一千八
百步

碧骨池何深深碧骨堤何長長深能濟民艱長能為
民障一等千年萬年防但願恩膏溢大池不喜東西
拓邊疆如何不思父境忍忍向倭天通海航

按鄭國鑿渠而秦人蒙利遂成霸王之業改宗設
機而大坂生水長享日本之利訖解開池亦為興
羅之基又何害民力之暫疲乎

夷草偶

新羅奈勿尼師今九年倭大至王聞之造草偶人
數千衣人衣持兵列吐含山下伏勇士一千於芥
峴東原倭人恃重直進伏發擊其不意倭人敗走
入公草木皆為兵助賁陵所能酣戰將難露葉生手
脚赤壁江中舊所見霞帔霧縠朦朧出半月壇高明
組練吐含山下鼓響動芥峴岩中殺氣轉中有伏甲

草莽興蜂散雕題走如電乃知君王先伐謀異夫黃
卽不足薦

按我國壬辰全羅觀察李洸設疑兵於黃山倭兵
不敢向南忘憂堂郭再祐亦設疑兵於竹嶺之間
而倭寇相戒勿踰蓋倭寇多狐疑見疑兵則不進
譬如藥枝曳柴而楚軍疑亂張飛列旗而曹操回
鋒此浙江許儀後料倭之策也奈勿此戰即攻倭
一初之戰而以此疑兵遂成全功如得智將謀師
以輔暇畧則可能大蕩其巢穴永保百年無虞而
終無一奇士敵懷惜哉

故國原

百濟肖古王帥兵攻平壤城

即東黃城

高句王力戰中

流矢死號故國原太子止夫立是為小獸林王志

復讎令國人指手以習戰年年侵伐即位二年秦

王符堅送浮屠順道及佛像佛經王迎之遂立寺

觀以君之東國佛法始此

故國原在何處死綏之魂歸故國故國原頭無積薪

魂兮望子空悲歎羶辣虛習昆明池豚壺不遍東黃

畿但識佛力能報離闇梨法楞充殊幃令人愧殺長

壽王猶能下甲扶蘓磯

小獸林志復讎而不知復讎之要蓋欲復讎者先
屈意事之使被無疑而後廣其生聚之法方能一
戰成功而反以事佛徼幸求福其復讎不亦難乎

馬跡行

高句故國壤王時遣兵侵百濟王王遣太子仇首
拒之至半乞壤有斯紀者本是濟人誤傷國馬懼
罪奔高句至是未告太子曰彼兵雖多其驍勇惟
赤旗軍若先破之其餘自潰太子從之進擊大破
追奔至水谷城積石為識其地有岩石折罅如馬
跡至今補太子馬蹄

偏衣出半壤，淚水囂舞起。東山赤旗望如火，桃花叱
撥秋雲裡。秦郊食馬能效忠，有罪不藏真。得士水谷
城邊石磊磊，斑斑鉄蹄多疑是。

按秦之殽陵之戰，鄭高弦高以其乘牛犒秦師，使
人間行告鄭以禦秦。余嘗賢其為人，百濟之斯紀
者，亦忘其忍而救國難。此誠鄭公聞卒之不讐楚
昭者也。其賢宜讓西人哉。

狗原歎

百濟枕流王，遣使朝東晉。迎胡僧摩羅難陀，及佛
經數百卷，立漢山寺刹以事之。又設獵場於狗原。

沉樂二年薨。辰斯立承喪大獵七日乃返修宮第
室穿池造山以養奇禽異卉又獵橫岳西平於狗

原行宮

高家佛禮未畢晉家佛隨東轡癡君一誦楞伽字漢
山秋色皆菩薩勿淫勿殺是佛戒如何獵場狂心散
鴿原衫衣方淖獵復騎絙踏松山片兒狗原弟狗原
狗原行宮百姓血嗚呼峻宇雕牆世或有孰有兩世
淫樂渾如

此時三國之惑佛無彼此而百濟則以孱弱之國
惑之尤甚國力盡盡而事佛愈勤不修外禦種種

致敗佛何救哉

狼山雲

新羅寶聖尼斯今十二年有雲起狼山望之如樓閣香氣馥久而不散王曰此必神仙降於福地耶遂築牆修祇禁人伐樹又作平壤州大橋

朝狼山雲林莽莽夕狼山雲芥芥但識狼山雲不識芒山雲平州大橋起如虹橋邊果有神仙否神仙之術亦奈何對面宮中隱匕首

雲中豈有仙人哉仙人乘雲之說始於帝堯禪封之卷蓋特示輕天下之意豈真乘雲也彼昏君闇

主認為當然漢武惑於封中之起雲宋徽惑於良
岳之興雲其續續敗亡烟若明鑑苟使修德之治
世則惡氣可化為祥雲否德之昏君則瑞靄自變
為妖沴豈待雲而興敗哉信有仙人寧不下笑

憂息曲

新羅寶聖必奈勿王曾質已於高句乃使訥祗於
高句潛使高句殺於中路高句見訥祗風神非常
告其謀訥祗恐而逃歸使人刺寶聖遂自刎遣軟
良于朴堤上於高句請其弟卜好又使倭國請其
弟末斯欣倭不許乃與末斯欣共宿舟中潛使逃

歸王見而喜之與二弟設宴作樂自製憂息曲以
歌之

人言兄弟樂我有兄弟憂兄弟在何處玄苑北苑固
防州烏鵲飛飛啄金枝一東一西年年悲有龍乘天
雲有鴈叫其羣花萼明月愁紛紛登班鐵人解君心
曉乘星槎許君躬孤裘蒙茸車復東涕流國多春風
烟波江上復誰思長山消息憂君在中扁舟一葉夕陽
來填簷堂上聲融融相逢莫恨黃歇死兄弟相看喜
如何為語寒烟木島魂應喜西樓歌我歌
訥祇既受君命則死可不避聞其害已之謀中踣

逃命有愧衛伋之持旌又况甘犯弑君之罪不免
篡立之名既弑其人而又取其人之女建之中壺
之位可謂千古忍人不可以君道責之王后亦以
實聖之女不能自滅甘事殺父之讎固其是是夫
有是婦

悲長沙

新羅訥祗麻立于駐欲見其弟未斯欣送朴堤上
使于倭堤上不告家直汎海抵栗浦妻奔至浦口
望舟大哭曰好婦未堤上曰將命入他國莫思再
見期妻遂於沙上放卧踴慟親戚扶掖將還妻舒

脚不起因名其地曰伐知。昔名其沙曰長沙及堤。
上潛送未斯欣。倭王怒欲降之堤上。憤罵曰丈夫。
豈為汝鼠奴下乎。倭遂生剥其皮。燒殺木島中妻。
聞之不勝哀痛。率三娘子上鷁述嶺。望倭痛哭自。
絕。至今為鷁述神。遺出補

長長復長沙妾恨如沙長。前年送郎去送入高駝鄉。
今郎上桂舟桂舟將何歸。長呼不相別小妾誰相依。
娘雖好歸來郎曰無歸期。郎心只有君妻言。心有郎。
郎如為君死妾亦為郎亡。郎豈薄情人鉄腸難可回。
乘浦潮頭化石恨。朝朝暮暮望夫來。試看沙岸點點。

花花上淚痕斑斑袞

堤上不屈之節無異大窖之獮武其妻化石之恨
頗似血竹之湘妃則忠臣固有烈婦

笑北豐

高句長壽王二十六年燕王馮弘困於魏請投高
句王遣將葛盧等至和龍塞迎之王親勞曰馮君
達來其勞乎弘怒其輕已稱制讓之王處之平郊
尋後北豐弘威令無異在國時王乃奪其侍人虜
太子為質弘怨之潛使宋迎之宋太祖劉裕遣王
白駒邀之王使孫漱高仇殺弘於北豐白駒以其

兵七千掩殺漱仇王以白駒專殺襲擊執送于宋
燕山二馬驕踏影塞草當塞不得肥平郊霧幕薄醉
眼房陵山木秋辭悲北風吹塵歸不得隔江白駟來
駢駢駢駢來亦奈何安陵赤丸如電飛當時殺盜非
殺人白駟何非人自非

馮弘自以瑣尾之蹤任作驕傲之態真是乞子之
驕於主誰能承遠萬里中間涉魏境而過之魏人
南之於海東其遠萬里中間涉魏境而過之魏人
果無中路之梗耶雖高句利送之其勢必見殺於
中路弘之無遠智甚矣但高句不勝小忿刼殺中

跖難免盜殺之譏唐僖宗朝樂從訓之殺王鐸當
以治盜之律治之是也高句不知中跖之梗於魏
而甘受不義之名亦不智矣

石槨歎

百濟毗有王薨子盖鹵王立高句長壽王使浮屠
道琳偽得罪七八百濟聞王好暴請敵之遂暱好
琳說王曰器皿不飾宮室不修先王骸骨權殯草
野百姓居廬板蕩河流何以服人王遂發國兵大
作宮室樓台又作石槨以葬父王得河樹堰東自
蛇城北至崇山人民困苦琳還告高句王師兵王

萬圍百濟蓋鹵王以數十騎出城西走為萬年所
獲遇害子又周請救于羅及崑城破宮毀駟兵已
退

百濟宮中碁聲高百濟宮外行人愁蘓秦去燕實喫
齊麗譙映日虹橋浮草露寒瓊起泚潁疲民洒干驪
山丘石槨何厚昔何薄先王有魂應譙尤桓魋三年
尚不成君王何事貽民憂不知舟中皆敵國但見問
外麗兵適杳杳城西焚澤旗逃魂不散長春樓西山
之薪積如坻新王有心能卧不何不回借鷄林兵西
渡清川報父仇

按張儀之在魏鄭國之入秦蘇秦之弊齊伯嚭之
亡吳皆身在此而心在彼也故明主則知之晉文
知者華之奸父命則執以討之漢高知無傷之武
於楚則立而斬之史書之策記之傳之為美事彼
昏君闇主甘聽浸潤之誘受其自取之禍其亦奸
人者順其性而導之也非能使錦衣玉食於菲衣
糲飯之君也瓊宮瑤臺於茅茨土階之主也秋至
而蟠吟天陰之蟬出莫非應其時而生其人也彼
百濟之敗豈全咎於道琳哉蓋鹵之死特失差之
慎冒齊湣之權筋武靈之探轂梁武之求客誰怨

誰尤彼文周王不知燕昭復讎之策享位三年一向恬恬詩人所以嘲平王者良有以也

都彌妻

都彌者百濟民也其妻艷麗蓋婁王聞之留都彌以事夜抵其家欲私之妻請更衣而進詐歸一婢以薦之後王知見欺大怒誣都彌以罪矐其兩目泛舡流于河更呼其妻欲亂之妻曰良人已逝妾不能自保敢拒命乎方有月事請俟他夜王許之妻遂至河呼天大哭忽遇行舡至泉城則其夫島已在遂同奔高句終於蒜山下

遺出補

卽方遊何方爲君留襄陽女兮從何人三生義重情
難忘婦人有計贈君王花樓月黑唐兒粧公然卽作
漸離矐罪在娘身非在卽舡杳々去何之笑痴王來
空房月滿鴻溝方洗裙指點西廂變東廂泗水河畔
竹淚斑天乎吹送蓬萊檣何必陋作扶餘民偕老蒜
山是樂鄉

蓋婁王不念伉儷之義必欲奪民妻而充其慾宮
中自多美婦人而夜行民家豈是居人者之事乎
國君而讐匹夫尚謂不可況奪人妻而行強盜之
事乎其不能保其國而身罹之鋒者固有以也

碓樂曲

新羅慈悲麻五千時有人百結為衣人號曰百結
翁暮榮啓期為人常以琴自慰歲將暮隣家舂粟
妻聞杵聲歎曰人皆有粟我獨何食翁遂鼓琴作
杵聲以慰之

世皆養吾腹我獨養吾心養腹腹易飢養心心不淫
人有百斗粟我有三尺琴三尺琴百斗粟何者是之
何者是西隣有湯餅北里醜屠蘇家之樂歲除喧笑
舂梁租疲盡莫愁家無食小女莫愁身無帛我有一
張春風絃彈之不飢亦不寒自然天機生我飽使我

渾家竟夕歡人生有涯樂無涯但願此曲年々彈
昔東坡序陶潛乞食詩曰饑寒常在身前款老常
在身後二者不相待百結前若非鼓琴以自樂則
百歲後何以知名蓋至人無事如非南郭子綦昭
文之流果能遊心於事物之外超然無累哉

大豆城

百濟文周王以解仇為佐平王出獵解仇使盜殺
之王第三斤立解仇遂秉政二年據大豆城謀叛
王使真男以二十兵討之不克更命真老帥耆騎
一萬討殺之出遺補

大豆城深其溝彼誰子賊解仇松栢丸草不殖君
家養狼狼作讐直將軍何時來有仇不報如江流
三斤徒思立已之為恩不思殺兄之為讐授權柄
於解仇而不知耻畢境見其叛而加之兵始知叛
已之為可誅而不之殺兄之為可討此不及秦王
子嬰者也其得勝也幸耳

碧花思

新羅昭智麻立干遊捺已郡郡人波路有女絕世
色名曰碧花郡長衣以錦繡置彩聲箏以色綃獻
王王以為饋食乃開見之光彩照人王怪而不納

及歸思念不已乃微行其家幸之頻、路經古陌
郡問老嫗曰國人以王為何如主嫗曰竊聞王幸
括己女頻數微行夫白龍幻魚服為漁者所獵此
而不思豈可聖乎王聞而慙之迎其女入宮為后
碧花飛、滿樓東風吹暗地來金宮輾轉相思枕迷
魂月繞芙蓉臺魚服之說孰為諷春壚老婆語非欲
宮中小星明、弱花自多芳緣媒他時琴匣作怨
耦御家不正還招災

昔新羅送美人而唐太宗見鸚鵡訝寒惻然還送
王德用進女口而宋仁宗揮涕放送此所謂以義

制款者也。今羅君初以良心之生還送碧花畢境，不禁其方羊之懿，妄犯魚服之戒，宜乎古德之嘲諷而終至琴匣之變生焉。厥初刑妻已自不正其流之弊，烏得無乎？

射琴匣

新羅昭智十年正月十五日，王幸天泉亭，有鳥啣書而落，得其書外面云：「開見二人死，不開一人死。」王曰：「與其二人死，孰若一人死？」日官奏曰：「一人者王也，不開必害王。」王遂開視之，書曰：「射琴匣。」王入宮射之，琴匣中有人，乃內殿焚修僧與王妃潛通。

者也俱伏誅自是國俗以此日作糲飯祭烏以報
落：天泉亭啞啞雲間烏于于兩猪鬪冉冉天初書
書中何所有中葺之言不可據不開一人死開則天
誅蒼黃拆書封日官言匪誣明言射琴匣天意終何
如滿月筋骸如意發妖狐赤血斑斑餘烏非有情天
有情不謝皇天甘謝烏年年糲飯洒池空烏自無知
人有愚

琴匣之寢實由始智齊家法而內儀不備也內無
殿之楚修付之妖僧外人之不到任其出入河間
之誨淫君實自召也但天之牧抑特其原情而定

罪以示犯綱之正耳非謂昭智全然無罪使聖人持筆當有所辨

木獅子

新羅智證王時阿瑟羅州軍主異斯夫承命往伐于山國國在溟州正東地方一百里時險不服斯夫造木偶獅子送之曰汝若不服縱此獸踏殺之遂降

木獅子真猛獸不戰不擊能威人能威人直渡東溟八千里鯨鵬辟易而逡巡推髻羣氓捲甲降澳戶人烟入北宸地雖險人則愚獅子非真愚是真

新羅自開國以後法度荒屯不足為列國稱而至
智證之世始稱王始教牛耕始禁狗葬始制喪祭
禮乎時乎人智漸生矣其俗素質寡言詐無詐故
于山之人亦必以為此國此言豈有虛慌也不戰
而降蓋羅風聞歷強隣其習漸變島民無所經歷
尚守真素而然其心亦可貴也於此足觀世變境
今天下豈有此風

異次頓

新羅訥祇王時沙門墨胡子自高句至一善郡郡
人毛禮於家中作窟室以居之時梁武帝遣使送

異香羣臣不知所用墨胡子曰此香也焚之則香
氣芬馥可以達誠於神祇佛家三寶一曰佛二
曰達摩三曰僧伽若燒此發願則可以如我時王
女病乃使胡子焚香祝誓病即愈乃以金銀賞之
紹智王時僧阿道有罷住於王禮家坐化法興王
思之歆興佛教群臣皆咻之異次頓曰請斬小臣
以定浮議王將誅之臨刑語曰我為佛就刑佛若
有靈死必有異及斬血自如乳衆驚怖不敢復毀
佛佛教遂盛

窟室曉發僧伽香君王一笑見扶桑阿道一唱蓮花

偈法雲和雨流蒼蒼呵呵象舌禁西麓礙身何人獨
自當可憐忘死未忘佛佛家忠臣豈真忠頸中白血
知何補恨無舍利生其躬鷄林二千四百利合盡丹
青報爾功

釋教之誤人甚矣梁武帝感誌公錫杖之先鶴而
麵做犧牲唐太宗感玄奘松枝之向東而廣布佛
經此不過一種妖術欺人耳目耳佛果有靈則昌
黎斥佛骨而焉有素州之陞遷程子斬佛頭而何
能鄆縣之留名異次賴以死護佛終不免其身之
死死而雖神光月皎何佛之靈哉程子見伊蒲方

文歎三代規模盡在此則其謂佛教之頓無者亦
太過而至於身事之不足導國君以事佛無異邯
鄲倡女賣歌笑以綿繡盡誘村婦入於青樓也莆
瑤嚇人以地獄之說合為弟子

加林歎

百濟東城王起臨流閑遊樂無度築加林城以首
加身之苜加不欲往王強之強是王薨於龍川阻
大雪宿於馬浦村加使人刺之子武寧王立苜加
據加林城以叛王親征至牛頭城加出降王斬之
拔於白江

臨流閔蹙民眉加林城疾民省城登登閣高高鎮日
君王但花柳莫勸將軍去將軍一去飢鷹飛熊川獵
火拂草被膠舟漢水何年歸乾谿飛血恨在誰白頭
叛臣罪自知燁燁義族牛頭城先王有魂應招兒兒
方出戰不反兵劍斫賊頭如斫絲

牟大被弑無異楚靈王乾谿之寢而武寧王能知
不反兵之義義殺其仇剖肝鬻肉以泄其憤殆有
勝於伍胥之鞭屍趙武之屠門若使春秋書之不
在齊襄公之下

娘城曲

新羅真興王十二年幸娘城聞于勤及弟子尼文

知音樂召於河臨宮各製新歌以奏之初依倭國

(二)後之及其國亂遂持樂器入于羅獻樂名依倭琴王

(一)先嘉慈王製十二絃琴以象十二月之律使于勤製

命萬德等三人萬德學舞階古學琴法知學歌樂

新宮於月城日以宴樂

伽倻王氣十年非伽倻弟子行何歸行何歸娘城北

八風之舞十二徽月城如月春如畫君王行樂花翻

翻花翻翻鼓鑿々如海新宮醉夢癡伽倻破曲入新

羅天其有意人無知

伽倻嘉悉即仇亥王也。只以荒樂而亡國。彼真興
王尤而效之。更接亡國之餘。於宮中築樓臺而安
之。集伎童而教之。日夜行樂。又創佛寺。至於千餘
所。以導其後王。若非偏壤之國。國何能久乎。

端門泣

百濟明禰王始都泗水。不知梁有侯景之亂。遣使
朝梁。臺城方陷。武帝被圍。使者至。見城闕殘破。號
泣端門外。景聞而囚之。及景亂平。得還。

吾家萬里外。萬里來為誰。君門受命朝。天門天門晝
閉。昏陰霏烽如星散。晝爲浮黑灰。紅燼千門飛青袍。

白馬咥生風樂遊絲竹行盃晨不恨江南無處朝但
恨大國渾無人為君傳語湘東王同灑此淚全天倫
明穰不思修攘之策但取朝宗之名遂使江南無
已勞乎彼簫繹則居於疆域之內而越視父兄東
使則以速遠之人只守秉彛之天不怕耽承之毒
端門一哭足以亘宇宙而不泯奇哉

花郎謠

新羅真興王時患人材在野不知欲使群遊採聞
其行誼遂簡美女二人一曰南毛一曰俊貞遍行
山谷搜問材德二人相妬而死遂罷之真興初太

后撰政選童男美容儀者號月風主粧飾美服娛
遊山水知人邪正薦之於朝

不行清渭獵不思金臺立教人入山谷處處窮搜拾
七寶珠瑜五花板紅粧踏盡青山面西廊醉入東廊
死求賢好意生妖變花娘去花娘來彩衣花笠定陸
離縱有人才在山谷花娘一見何能知莫教孤雲頌
作碑留與千秋作伶兒

周之鄉舉里選漢之賢良方正魏之九品中正宋
之科舉任子其於額賢之方可謂備矣此外有何
妙理彼花郎者特一棋隣檀豈能分別善惡以轉

君德其偏不善故其終作惡偏邦治體便成兇戲
咄哉

居滲夫

居滲夫新羅奈勿王五代孫少有遠志為僧入高
句覘其虛寂聞法師惠亮率徒講經往學焉一日
亮潛問曰吾能識子子宜速還滲夫乃吐其案謝
之將還亮曰汝燕頤虎頭他日為將無害我土遂
與相誓及還真興王命滲夫攻高句取竹嶺外十
郡毫卒其徒來見王遂為僧統

不願吾髮長但願吾國昌芒鞋踏盡漢北霜人誰知

看崇山陽崇山大師石窟傍慧眼瑩澈摩尼光燕領虎
頭骨格良繞朝一鞭催敗裝法師無心還有心但重
吾土輕吾王竹嶺十郡誰主張高王坐失東南疆吳
前錫杖束忙忙嶺十郡誰主張高王坐失東南疆吳
兩僧忠逆殊心腸

按鷄林習俗皆以忠君死長為心故以至祝其髮
而覘人國可謂烈士而彼惠亮者既知濠夫之詐
計則告國而除之可也反為內應以致其國之喪
地甘受僧統之榮可以見兩國人心之大不同耳

白雲詠

新羅國原縣有同里人一時各生男女男曰白雲
女曰際原二家約婚密約雲盲際厚家將改聘于
茂榛太守李倭平際厚密約白雲相逢茂榛山中
旦至倭平家謂曰婚姻不可猝行請以數月消吉
而行倭平然之已而白雲果至山中際厚夜從行
山谷為俠客所掠而去白雲客金園有勇力能騎射
追殺盜還際厚遂與白雲為夫婦真與王聞之並
賜白雲闡爵

白雲在北山北山知不遠朝過陽臺下和雨粘妾面
他日之雲不可樓白雲雖美看不復緣林豪客莫相

挈霜露難推守紅荷雲間自有摩勒奴撒地狂風奈
余何粧臺缺月影復圓榮動官家賞酒多

平原之女卒歸溫達胡廣之女終嫁鮮兒女子定
心類類皆然嶺南民俗尤多可稱近來安東賤女

慧而能文出家後為本主所拔上京路過洛東江

南詩于主

詩曰威如霜雪信如山不去為難去亦
難回首洛東江水綠此身危處此心安

遂投手而死至今惜之人或作歌以悲之蓋羅代
褒節厥有其舊習俗激勸自成規法歟

刪桃花女

新羅真知王御國四年荒淫而廢時沙梁部村女

姿容絕美色似桃花號桃花娘王聞而欲納為女
以死自誓王戲曰汝無夫則從吾乎王曰可王放
遣之是年王薨後二年其葬亦死月餘夜半忽見
王如平昔入于女房曰汝昔有諾今汝無夫何從
乎女告於父母父母曰幽明雖異王者之言何以
避也以其女入於房留御七日宛如平日交合女
回有娘產男之夕天地震動風雨發作生而奇異
名曰鼻荊每夜倏忽遠遊曉返自云將鬼卒號令
真平王收養宮中賜爵阿飡使禦諸鬼鬼兵皆怖

時人作詞

詞曰聖帝魂生子鼻荊即室
寧飛馳諸鬼象此處莫留停今俗門上

帖此以辟鬼 出補遺

桃花復桃花桃花醉人如醉酒芳枝早許粉蝶媒不
惜蜂王掠蘂取既知自保歡生前那認即來即死後
女子一言重山海死後猶記生前誘君來如雲繞妾
身七夜夢酣陽臺耦蚌胎明月照牛車神種色得神
兵守夜寧神兵下大野虹橋笑元神元口飛來應朝
父王歸誰道兒生只有母湏看鷺殺吉達狐畫帖揭
盡村家牖

昔盧充得女魂而生子三年還其父是為盧毓充
山堂外記織女降于董永生子是為仲舒事涉虛
誕而神女既云生子則况神即豈無陰陽之理乎
今慶州東有鬼橋人或疑之然理不可盡解不必
疑耳

落葉舟

新羅真平王時有大世者奈勿王後也少有方外
志與僧淡水曰在此小邦以終一生何異籠鳥池
魚不知滄海之浩大山林之深幽乎吾將棄梓吳

越尋師學道馭風遊於廣漠之鄉子其從乎淡水
不肯其友有仇漆者願從焉同遊南山之寺忽風
雨落葉泛於庭大世與仇漆約曰吾輩各取一葉
以觀先後出遊焉俄而大世之葉在前大世遂先
行仇漆曰吾亦男兒豈不遠遊遂泛南海同去不

復歸遺補

南山寺裡白雨過曉來落葉浮溪水應識溪流接江
南落葉去去無窮已安得此葉為扁舟寒山寺下相
將驪君先行我後設葉止處吾便止但恨不及徐郎
時同舟採藥三山裡男兒契合無貴賤君不見劉阮

去尋天台寺

按博望候張騫乘槎而窮河源歐羅巴人闔龍乘舟而繞四海各有所得大世仇漆終無下落處此是我國人所見得淺小耳此後四仙三日浦遊跡畧相彷彿人事虛謊蓋不足取法

刪玉帶引

新羅真平王元年有天使降於殿庭曰上帶傳賜玉帶於王王其親受王跪拜受之郊廟祭皆用焉後高句將謀伐右補釋止之曰新羅有三寶一是皇龍寺文六佛二是九層塔三是天賜帶終羅之世

藏于寶藏庫羅亡末王金溥獻于麗太祖出補

句天帝寶樂秦業天其佑皇龍金佛九層塔天賜鷄
林神物守月斧巧斷衡星精一團腰鞋太乙手藥珠
官捧勅符大庭穆穆神其授宮中聖人奉帶筵上有
瑤皇皇命受鉄塼鐵城人莫誇禁壇太廟恭垂綬高
家覘兵不覘天三統終歸有德后我知在德不在帶
畢竟但為麗王有

古語曰諸候有三寶土地人民政事今朝羅三寶
非佛則天神事涉虛謊人孰信之易訟之上九或
錫之鞶帶終朝三褫之君若不修德雖有百寶帶

何補國哉

溫達行

高句平原王時染浪人于溫達家賣貌龍鍾常乞
食養母市井人目以愚溫達女年十六將擇嫁上
卿女曰王者無戲言王怒逐之女步行至溫達家
溫達方採榆皮上山女隨之溫達曰深山中豈有美女
此必妖魅侵人遂下女隨至其家懇告其情乃納焉
女遂賣囊中金釧買田宅奴婢用又使溫達買
國馬之瘦者女親斂之太肥盛國俗三月三日每遊獵
祭天王出獵溫達馳騁在前王驚問之乃曰王甥也厚

餉之後周武帝伐遼東王戰於隸山溫達功為第一遂賜爵大夫及嬰陽王即位溫達曰北漢郡縣盡為新羅往必復之王許之與甲兵三千人臨行誓曰所不以竹嶺鷄峴之西歸我者吾無返矣遂行與羅軍遇於阿朝城力戰而死屍還柩不動公主末撫曰噫死生決矣嗚呼歸矣遂舉而行出補龍鍾彼誰子自言無配偶探親不用媒少何村女生無所愛女長無所戲但識王者言無二生年十六不婚門豈甘實足荒山裡囊中有金篋有衣只願同生與同死三月三日猶馬驕天回翠麟補純美竹

嶺鷄覘空留誓魂兮不敢、娘子

男子之以婦人成功者多矣善殺驩妾以送重耳
黃夫人造木牛以助諸葛亮紹介公主聚軍以赴
太原之役梁夫人親執樽鼓以成韓蘄王之巧此
皆賢夫人之可以助成者而至於溫達則品居下
下使之超然於衆品之上微公主之力而誰歟況
生死精神姻然相照有如荀偃目視聽范句言而
還瞑壯哉昔山陰張元伯有柩不動以待范巨卿之
來今公主一撫死者知感可謂幽明知已不下張范

漣水戰

高句嬰陽王時隋煬帝聞高句阻新羅貢路出師
一百十三萬三千八百人親証至遼臨水為陣麗兵阻水隋兵不
得渡帝命造浮橋以渡大敗麗兵進圍遼東城江
淮水軍舳舻數百里麗將伏兵於郭內出戰佯敗
隋將未護見突入城見敗九道兵皆會鴨綠資糧
已盡麗王使乙支文德詐降大將于仲文欲留之
尚書右丞劉士龍許其歸將軍于文述以兵疲欲
歸仲文怨曰將軍不能破小賊何顏頓首見于等
遂渡鴨綠水追之文德見隋軍甚疲每戰輒北述
等一日七戰皆捷遂東濟瀋水去平壤城三十里

回山為營文德遣仲文詩曰

神策究天文妙於天窮地理戰勝於既

高知足仲文答書諭之遂為方陣而還文德出軍

四面鈐擊之述等且戰且走至滹水軍半濟文德

縱擊大破之殺其右衛將軍辛世雄隋兵大潰至

遼東城僅二千七百人

迷樓夜奏高麗樂一夢楊花渡遼水江淮水軍舟如

馬一鞭斷江江聲死乙支將軍夜看天歲星在東辰

在巳一日七捷非勝事西營送詩多妙理將驕卒隋

多敗色宇文欲還于公止不念阿麼浪死歌只促繫

馬箕王市莫視疲殘下句驅滹水乘龍不饒有公然

惹起楊玄惑禍根知自東証起

中國之有事東方終是少吉多凶漢武遣楊僕討
右渠設四郡而漢疲於兵幾亡王莽送田譚討高
句降為下句駟而莽疲於兵遂亡阿麼之窮兵黷
東果何意哉只為示四方威武使不敢叛心生而
不思其兵敗力殘目成土崩之勢也彼獨夫之罪
天地之所不容而神人之所同憤雖戰勝而得東
土何救其亡哉且念此時三國分裂以一隅彈丸
之勢猶能抗中原二百萬之師而有餘今則以全
局之勢每一受制於人此無他我國不知養兵之

榮也果使人各為戰則雖一邑之衆自可有餘况
一國之師乎後世不知此而直以名目之多為榮
可歎

劔君惡

新羅真平王時大饑沙梁部諸人盜分倉穀有劔
君者獨不受曰得非其義吾豈可取諸人恐漏言
將招殺之舍人近卽曰何不白於有司以免之曰
畏我死而抵人罪非義也曰盍避之曰彼曲我直
何以避乎遂往見殺

不受偷兒食肯就偷兒拙偷兒拙胡不告官家官家

直應斬其腰寧死不令他人死一身大義千雲霄人
生易得鷄刻笑九原只可誑鮑焦

我！英廟朝平壤孝廉黃順承性清白固執人驛
黃固執嘗夜行遇盜盜奪馬授之奪衣授之如其
欲故不害黃黃隨後授鞭曰我馬甚逢此鞭鞭之
盜異之曰子非黃固執乎曰然盜曰吾亦人也豈
忍掠黃固執之物乎遂還之黃辭曰我既授爾是
爾物非吾吾何受之盜亦不受而焚之是黃之意
氣已能達人耳目今鈞君之盜則必害乃已其亦
無義之甚者歟不然鈞君高義或未及黃生之藉

甚而耳惜夫

美人歸

新羅真平王獻二美女於唐唐太宗受之魏徵以
為不宜受外國女色太宗曰日者林邑獻鸚武猶
訴寒苦思歸况二女遠別親戚乎遂付使者歸之
桂花驚秋冷上有雙鸚語雙鸚破寒夢玉陛聲聲訴
鶴禽食人心旅恨誰作伍瑤花曉濕鷄林雲玉窠不
下陽臺雨後宮悉女尚出宮異國妖姬亦何取翩翩
紅玉馱使車漢津無聊羅襪步只是賢賢能易色田
舍老翁言多補豈短憐爾離鄉愁只是遠斥藩邦賂

田笑高自留二頃年々乞哀慕容王

女賂事大自是戰國遷亂之術豈是哲辟正道哉
李煌獻女色而宋藝祖卻而不受王德用進女口
而宋仁宗垂淚還送夫以大國天子何患無美婦
人而汲汲於藩邦之光物哉後世帝王雅色是務
元成公主遠洪文系之女獻于世祖以死自矢歐
送蒙古恭愍王逆奇轍女獻于順帝同召賽日之
亂永樂皇帝微逆美人我國進權執中任添年李
文命呂貴真崔得罪之女權女寵冠六宮呂女妬
以砒霜而殺之遂磔呂女我朝丙子後清之九

王子微困甚劇乃以錦林君悌徹第三女為婚其
後崔相鳴吉據約誓以塞之進女之樂歷代昭著
而新羅為備可勝歎哉

破鏡詞

薛氏新羅栗里民女也姿色端麗其平王時其父
當戍襄病不能行薛氏憂之里人嘉實有意氣請
代行薛父約以成還以其女相配乃破鏡中分以
為信將行以一馬屬薛氏曰此天下良駿後必有
用傾善嗣之會邊亂久六載未歸父曰向以三年
為期期已盡可歸他族婚期既是女將逃之見所

留馬而泣嘉實適至形容枯槁見之不識以破鏡
為驗遂為夫婦出補遺

西北有高楼、上有人、冷、愁不愁家中衣食貧但
愁生為女子身生愧綈縈與木蘭猶能代父身安
東家丈夫白羽箭為我千里行關山君不惜身為父
苦女不惜身供君歡手破半月寄與君的歷相見他
日顏樞上五花蝶躑鳴君歸不歸識馬群他山之樹
不可植父方何無情玳瑁珠奩明破鏡此心與母方
鏡俱生明誓不黃昏入青廬惜惜淚濕梨花庭不問
即形與即音儂知鏡鏡知心

昔陳之亂樂昌公主與其婿徐德言分破鏡以為
驗及公主之歸楊素賣鏡而復合為夫婦後世或
以失節為欠而至於薛氏之合鏡感其代父之勞
而許身也嘉宋之合鏡守其臨別之約而成親也
此人貞節並孝而發直與古烈士並爭若較樂昌
破鏡不啻天淵合與溫達妻同傳

刪
薯童謠

百濟有一女美而早寡築居南池邊一日雲霧晦
冥池中龍交其上遂娠而生兒咒量宏異及長握
薯蕷賣為生業人曰歸薯童聞新羅真平王女善

花美麗無雙潛入羅京以薯蕷餉閭里兒童乃作
謠誘羣兒唱之其餉曰善花在新羅敗善花亡新
羅昌國中益誦之百官請竄公主於遠方將行王
后惻之以純金一斗贈行公主將至竄所薯蕷童出
拜道中偕行曰潛通焉遂與至百濟出母后所贈
金將謀生理薯蕷童大笑曰此何足為生理此物天
下易得之物也公主曰此黃金也可致富饒矣童
曰吾薯蕷署之地此物悉積如土主遂偕行掘之
金積如山詣龍華山獅子寺法僧知命處曰吾父
母遺我一斗金今欲還之願設教為知命遂使公

主書牘及金盒並置獅子前一夜輸在新羅宮中
羅主亦馳書報荅常示厚待由此得百濟民心及
法王薨即王位改名璋遂創彌勒寺於龍華山

青山淡無姿薯蕷多於土矯矯彼龍子采采日當午
自言採作藍田寶玄霜搗得雲英親善花離宮春不

春街童齊唱壓弘謠宮中簾車行杳杳女心有卽卽

有金金在高山色色好蓬蒿寶氣橫扶桑龍華寺

裡香炷繞獅前彩盒無胫走曉寢色動鷄林主金籠

散盡敗火寶晉宮牛馬誰能吾空教創起彌勒寺不

作龍堂祭龍父

按武王龍子之說出於裡談人莫之信而漢高之
目以龍種我國王氏之表以鱗孫皆載正史不必
強作烏有語第興謠潛奸似是求說不得而此時
鷄林未免上古溥庵亦殆近於平康小吏牛金之
類歟

大王浦

百濟武王新造興王寺極壯麗每親謁行香又鑿
池宮南引水注之築鳥嶼擬海上仙山與羣臣遊
泗泚河北浦岩石間以名花異草醉後鼓琴自歌
令從者舞之

池南水色連蓬萊琪花映日紅雲間大王浦頭百官
會醉後鼓琴歌聲催興王寺是亡王寺龍華老佛令
人歎却恨朝無金后樓墓中有聲王心回
武王不知彌隣之倚伺一以任情自恣淫戲度日
不幾於臨春結綺之行樂而又作佛宇以祈陰福
殆近於梁武之捨身求佛歟哉蓋泗泚北浦海東
風流之地也易以迷人直與艮岳花禽西湖荷桂
一般頡頏濟之世君皆不務遠略專事遊戲以至
先亡昔東坡詩曰若把西湖比西子淡粧濃抹兩
相宜吾則曰若知我國西湖恐白馬江春送落花

然則扶餘之亡非義慈促之也其始都泗泚者為
一噶矢也

送慈藏

新羅善德女主寬仁明敏代真平而立號聖祖皇
姑真平時唐送牡丹花圖并花子送之德曼曰此
花無香王笑曰何以知之曰畫花而不畫蜂蝶必
無香植之果然及即位蝦蟆大集宮西玉門池王
曰此兵象也吾聞國西南有玉門谷其有賊兵乎
乃使將軍開川往搜之果百濟將軍于召欲襲獨
山城也遂掩擊破之而已送慈藏法師入唐求法

得佛經還造白龍寺塔供奉佛事王有疾醫禱無
效乃於皇龍寺設百官座集僧誦仁王經

鑑此鏡得之苦提手八萬真經百萬誦玄裝去後松
玉門池南蝦蟆闕百濟潛兵狼貝走自是君王有神
枝東芙蓉法藥滿宮香解花精神悟色空慈藏口沕
散慈雲全勝軒岐醫藥功經綸枉費黃龍塔一塔何
能濟民窮何須更更問菽丹花自有曇花香氣通
善德以區、閔闥、聰明濫升天位難免牧鷄之
司晨而加以身染釋教教百官靡然
人上而做風俗

白

乃於皇朝季夏百官齊集清談仁士經
鑑以觀焉之昔故年八萬真箇不第謝面壁去後
玉門池南煙柳綠百濟清兵後是日自是王有評
從中又其公基池畔春餅松清柳色家慈萬口
散花雲分海新映醫藥功經結紅雲黃龍塔一塔何
能清民病何須更更何我亦花台有雲花香氣通
善德以區之聞聞之現明溫升天位難免後
司農而加以身染釋教教百官齊集
大士而做服係

